



# **Urkunden-Sammlung zur Geschichte der auswärtigen Verhältnisse der Mark Brandenburg und ihrer Regenten**

...

namentlich in Beziehung auf Anhalt, Bayern, Böhmen, ... und andere  
Länder ; [Urkunden-Sammlung für die Geschichte der auswärtigen  
Verhältnisse]

**Riedel, Adolph Friedrich**

**Berlin, 1848**

1962. Markgraf Johann vereignet der Stadt Garz den Antheil an  
Reinckendorf, welchen die Stadt von Hans und Gercke Reinckendorf  
erkauft hat, am 23. Juli 1475.

---

---

**Nutzungsbedingungen**

[urn:nbn:de:hbz:466:1-56633](https://nbn-resolving.org/urn:nbn:de:hbz:466:1-56633)

funfzig mǎrgk gelts czu Rechten angeuelle vnd die hufen landes czu rechten manlehne Inn vnd mit Craft difz brifs vnd also wenn die gnante fraw todshalben abginge vnd folich czinz verledigen wurden, das der gnant heinrich werben vnd fein menlich leybs lehns erben mytsampt der hufen landes obiuberurten Solich gut furder mehr von vns, vnsern erben vnd der Marke czu Brannenburg czu rechtem manlehen haben, halten, Sich des gebrauches, So oft vnd dicke des not tut entphaen vnd vns dorvan thun vnd halten sollen, Als manlehns Recht vnd gewonheyt iz. Wir leyhen In hyran alles das was wir In von gnaden vnd rechts wegen doran verlyhen sollen vnd mogen, Doch vns, vnsern erben vnd lust Jderman an seiner gerechtigkeit vnshedlich czu urkunt etc. Datum Gartz, am mitwoch nach Trinitatis, Anno etc. LXXV.

Nach dem Kurm. Lehns-Copialbuche des K. Geh. Kab.-Archives XXV, 231.

1962. Markgraf Johann vereignet der Stadt Garz den Antheil an Reinckendorf, welchen die Stadt von Hans und Gerecke Reinckendorf erkaufft hat, am 23. Juli 1475.

Wir Johannis etc. Bekennen vnd thun kunth offentlichen mit diesem briue vor vnns, alle vnser erben vnd nachkomen Marggrauen czu Brannenburg vnd sunst vor alleniglich, dy In sehen, horen oder lesen, Alzdenn vnser liben getrewen Borgermeister vnd Ratmannen vnser Stat Gartz solch teyl, als hans vnd Gerecke Reinckendorff, gebrudern, wonhaftig zcu peterzhagen, Im dorff zcu Reinckendorff von vnser herschafft zcu lehen gehabt vmb besserung willen vnd zcu nutz der Stat recht vnd redlichen erblichen gekaufft vnd vnns dar vff mit fleys gebeten vnd ersucht, In solch gekaufft gut mit aller gerechtikeit vnd zugehorungen, nachdem sy auch das meiste teyl In dem gnannten dorff vormals zcu eigenthum von vnser herschafft hetten, gnediglich zcuuereignen geruchten; haben wir angesehen solch Ir fleissig bete vnd der Stat bests, auch fliffige willige dinst, dy sie der herschafft von Brandenburg biszher getan vnd hinfurder mehr auch wol thun können vnd sollen vnd haben Iren nachkomen vnser Stat Gartz solch teyl alles vnd yedes wy vorberurt vereignet, vnd vereignen In das In vnd mit craft dits briues, Also das sy das, als ander Ir eygenthum, fur eygen Inn haben, gebrauches vnd besitzen vnd damit thun vnd lassen sollen vnd mogen, nach lawt Ir briue, dy sy darvber haben, als eygenthums recht, gewonheit vnd herkomen ist, doch vnns, vnsern erben vnd sunst einem Jdermann an seinem rechten vnshedlich. Actum Coln an der Sprew, am Suntag nach Marie magdalene, Im LXXV. Jar.

Nach dem Kurm. Lehns-Copialbuche des K. Geh. Kab.-Archives XXV, 220.